

橘化為枳

gid fa^v vui zhi^v

作者：晏子

年代：春秋戰國

散文

晏子將使楚。楚王聞
 之，謂左右曰：「晏嬰，
 齊之習辭者也。今方來，
 吾欲辱之，何以也？」
 左右對曰：「為其來也，
 臣請縛一人，過王而行。
 王曰：『何為者也？』
 對曰：『齊人也。』王
 曰：『何坐？』曰：『
 坐盜。』」

晏子至，楚王賜晏子
酒。酒酣吏二縛一人詣
王，王曰：「縛者曷為
者也？」對曰：「齊人
也，坐盜。」
王視晏子曰：「齊人
固善盜乎？」
晏子避席對曰：「嬰
聞之，橘生淮南則為橘，
生于淮北則為枳，

葉徒相似，其實味不
同。所以然者何？水
土異也。今民生長於
齊不盜，入楚則盜，
得無楚之水土使民善
盜耶？」
王笑曰：「聖人非
所與熙也，寡人反取
病焉。」